

青华秘文

2022年02月23日 · 36 分钟 · 1 阅读 #青华秘文 #张伯端 #紫阳真人 #丹道 #道

玉清金笥青华秘文金宝内炼丹诀

紫阳真人张伯端撰

远师真人王邦叔授

东和希古渔人刘元一受

序

远师真人王邦叔，不知何许人也。时年十九，侍紫阳真人为弟子。见九年，不知大道之自然，亦不请问。

一日侍师至罗浮观，先生曰：“子之从我，不为不久。于金丹之诀，略不顾及，然而从我何为？”

邦叔再拜，曰：“非不顾世，自揣玄微，必无此分。”

先生曰：“善！自太极既分之后，一点灵光，人人有之。贤者不加多，愚者不减少。似子所言，是蔽其明也。吁！可哀也哉！”

邦叔不觉涕泗交颐，顿首百拜，悲不能起。先生曰：“子去静室中，思吾此语，有所觉则急来。”

至夜，紫阳先生再诣其室坐处，叩寝门。邦叔闻之，移而出迎。先生微笑曰：“吾一寻汝，便见头目。尔两日寻他，不得其有然。”遂灭所执之烛炷而退。

邦叔大窘，坐五鼓，大悟，通体汗流。待旦以颂呈先生：“月照长江风浪息，鱼龙遁迹水太平。个中谁唱真仙子，声满座空万籁清。”

先生览之，问曰：“谁唱谁听？”

都叔遂答以诗曰：“莫问谁，莫问谁。一声高了一声低。阿谁唱，阿谁听。横竖大千说不尽。先生有意度迷徒，急撞灵台安宝镜。镜明澄静万缘空，百万丝条处处通。斗转星移人睡定，觉来红日正当中。”

先生逐出金丹图传与邦叔，遂止罗浮，后十三年坐化。

又十年，眉山大伪和尚沈志静遇封山，自称王邦叔，今居蓬莱望海楼也。

› Note

表奏

不避雷钺之诛，辄伸卑渎念。

臣处世多虑，无有所为，为必颠蹶。年迈三旬，独于大道有缘焉。回思穹苍，昔日使我无成者，正祐今日之有成也。感恩至重，铭心戴德，今者切见。嘉尔下民，孰无道器？奔劳尘境，戕伐一元。愈降愈下，弃人就物。就物思人，则不可得而返之矣。物不能修，终乎异类。哀哉！


臣之身自弗能度，反怜及此，固无异泥中蛙，而晒篱上鸡也。唯某昨传受青华真人《玉清金笥长生度世金宝内炼丹诀》，简而易行，详而不杂。身裹分阴阳之主，壶中立四象之枢。三中常守以为机，一定不离而作用。用中无用，静裹常存。哲人秀士，一览无遗，造化在掌中矣。

今欲斋沐精思，著为图论。毫发无隐，直泄至真之奥首。择其可传者而传之，得接续心灯，流传万世，顾美事也。然始传之际，誓语至严。蒙师至嘱，轻泄犯刑。数欲作而踟蹰，勿记其几矣。

伏惟太上好生，度人为重。是用俯伏尘埃，冥心上界。欲望天慈鉴臣之意，若不允而立彰玄遣。如或谅容，俾臣安静，庶几敢践斯言，复陈天陛：臣无任诚惶诚恐，顿首百拜，怀恩之至。

谨录上奏，伏望天慈俯垂赦宥，伏冀人人依此炼成金宝，超出尘埃。世世相传，无有泄慢。臣无任诚惶诚恐，顿首百拜以闻。

玄之又玄



金丹图论序

吾自识金丹秘诀之后，累获罪于天而不自悛。又为玄书，并《悟真篇》等行于世，自心为至矣。

忽有客至访，余怪其状貌非凡，静肃待之。

或问曰：“子于金丹之道，训人亦至矣。但首尾未明，机关尚隐，后学何以为识？”

“余自此亦不得已矣！天机至重，玄律至严。子固美言，某敢不奉。”

曰：“子但著为一书，尽底泄露，苟有谴焉，某当其责。”

余再拜敬服，遂失所在。余思此语，故著是书。

天机泄则泄矣！传之者，当以至宝拜受，以有玄律焉。

泄慢堕地狱，祸及七祖翁。

➤ Note

心为君论

传。

张子野人，身披百衲。自成都归于故山，筑室于山青水绿之中。万物罄然，而怡怡然若有所得。

客传于市曰：“遭贬张平叔，归于山矣。”

从游之士，丛然而至。立于庭，且泣且拜曰：“先生固无恙乎？且夫奔涉山川，逾越险阻者，于兹十年。面貌不少衰、形不少疲者，其有术乎？”

张子曰：“吁！吾与汝言。人之所以憔悴枯槁者，谁使之然？心也。百事集之，一念未已，一念续之。尽日之中，全无顷暇。宵之寐也，则亦若无心焉，但神不存矣。吾本无他术焉，为能定心。故夫神鬼之所以测度者，吾心之有念耳，心无念，则神之灵不可得而知也。岂神不知吾心，吾亦自不知其为心，乃定之根本也。”

弟子曰：“然则金丹之士，其静心乎？勿静心乎？”

曰：“静之一字，能静，则金丹可坐而致也，但难耳！”

曰：“夫子之言，其误后学多矣！”

张子矍然而请其旨。

曰：“夫子与人言金丹之道，常使人心中生意。心意为造化之主，心其能静乎？”

曰：“子见偏耳，非吾言之所误也。君寻其平日用心，为何而动？寂然不动，感而遂通，乃吾心之用也。奔役天涯，了无居止，子之用心也。

“夫斗极之北辰，固未始动。其所以为动者，拱之星耳。然拱辰之星，固不能动者，斗极为之。枢而运之。

“尔性其不动之中，而有所谓动者，丹士之用心也。唯其动之中，而存不动者，仁者之用心也。于不动之中，终于不动者，土木之类也。

“心居于中，而两目属之、两肾属之、三窍属之，皆未可尽其妙用。

其所以为妙用者，但神服其令，气服其窍，精从其召。

神服其令者，心勿驰于外，则神反藏于内。

气服其窍者，心和则气和，气和则形和，形和则天地之和应矣。故盛喜怒而气逆者，喜怒生乎心也。

精从其召者，如男女媾形而精荡，亦心使之然也。心清即念清，念清则精止。

吁！心惟静则不外驰，心惟静则和，心惟静则清。一言以蔽之曰静，精、气、神始得而用矣。

“精、气、神之所以为用者，心静极则生动也。

非平昔之所谓动也，用精、气、神于内之动也。精固精，气固气，神亦可谓性之基

“其所以为静者，盖亦有理。

顺水行舟，滔滔腾拔。欲往海岛，不曰劳形。一旦回家，思乡安静。急驾归帆，求风逆转。还家固静之道，但久违而始复，久失而始寻，一旦欲静其可得乎？

当思归静之由，然后能静。此悟昨非，当求今是。非固常为，是在何处？”

诗曰：自下金梯堕碧崖，回思阆苑几花开。向来大道今何在？野草不除荆棘堆。

口诀：但于—念妄生之际，思平日心不得静者，此为便耳。急舍之，久久纯熟，则自静矣。

夫妄念莫大于喜怒，怒里回思，则不怒；喜中知抑，则不喜。

种种皆然，久而自静，岂独坐时？

然平日提百万强兵，但事至则理，退则休，亦可为静之本。

以此静心应接事物，谁云误事？实自灵耳。

故曰，以事炼心情无他。镜能察形，不差毫发，形去而镜自镜。盖事至而应之，事去而心自心也。

口诀中口诀：心不留事。一静可期。此便是觅静底路。

又诗曰：得路欲归休问远，看看信步莫烦心。云收将放金乌见，一点灵光眼内明。

心之所以不能静者，不可纯谓之心。盖神亦役心，心亦役神。二者交相役，而欲念生焉。心求静，必先制眼。眼者，神游之宅也。神游于眼，而役于心。故抑之于眼，而使之归于心，则心静而神亦静矣。

目不乱视，神返于心。神返于心，乃静之本。

› Note

神为主论

心为君者，喻乎人君之在位。

一人有庆，兆民赖之。秦皇、汉武为之，则四海疮痍。尧、舜、禹、汤为之，则天下安逸，民歌太平者。何也？圣人以无为而治天下，则天下安肃。庸人以有为而治天下，则天下扰乱。

盖心者君之位也，以无为临之，则其所以动者，元神之性耳。

以有为临之，则其所以动者，欲念之性耳。

夫神者，有元神焉，有欲神焉。

元神者，乃先天以来一点灵光也。欲神者，气禀之性也。

元神者，乃先天之性也。形而后有气质之性，善返之，则天地之性存焉。

自为气质之性所蔽之后，如云掩月。

气质之性虽定，先天之性则无有。

然元性微而质性彰，如君臣之不明，而小人用事以蠹国也。

且父母媾形，而气质具于我矣。

将生之际，而元性始入。父母以情而育我体，故气质之性每逾物而生情焉。

今则徐徐划除。主于气质尽，而本元始见。

本元见，而后可以用事。无他，百姓日用，乃气质之性胜本元之性。善返之，则本元之性胜气质之性。

以气质之性而用之，则气亦后天之气也，以本元性而用之，则气乃先天之气也。

气质之性本微，自生以来，日长日盛。则日用常行，无非气质。一旦返之矣，自今以往，先天之气本微，屋勿忘勿助长，则日长日盛至乎纯熟。

日用常行无非本体矣。

此得先天制后天，而为之用也。 馀见神室图论

➤ Note

气为用说

先天气，后天气，得之者，如痴如醉，忘寝失寐。

吁！元神见，则元气生。盖自太极既分，禀得这一点灵光，乃元性也。元性是何物为之？亦气灵凝而灵耳。故元性复而元气生，相感之理也。

元气之生，周流乎身，而独于肾府采而用之者，何也？

夫肾府路径，直达气穴黄庭者，一也。肾为精府，精至，直引精华而用之，二也。周流于他处则难觅，至精府而可识，三也。心气透肾，意下则直至，采之者易为力，四也。此四者，故采真阳于肾府。

➤ Note

神有元神，气有元气，精得无元精乎？

盖精依气生。精实肾宫，而气融之，故随气而升阳为铅者，此也。

精实而元气不生，元阳不见，何益于我哉？

元神见而元气生，元气生则元精产。

› Note

意为媒说

意者岂特为媒而已？金丹之道，自始至终，作用不可离也。

意生于心。然心勿驰于意，则可；心驰于意，未矣。

› Note

坎离说

坎者，肾宫也。离者，心田也。

坎静属水，乃☵也。动属火，乃☲也。离动为火，乃☲也。静属水，乃☵也。

交会之际，心田静而肾府动，得非真阳在下而真阴在上乎？

况意生乎心，而直下肾府乎？

阳生于肾，而直升于黄庭乎？

故曰，坎离颠倒。若不颠倒而顺行，则心火而不静，大地火坑之意明矣。 馀见交会图

› Note

下手功夫

之。

修丹之士，心既无事，则彼固无由而役之矣。其所以役神者，以外物诱之耳。

静坐之际，先行闭息之道。闭息者，夫人之一息，一息未际，而一息续之。今则一息既生，而抑后息。后息受抑，故续之缓缓焉，久而息定。抑息千万不可动心，动心则逐于息，息未止而心已动矣。

言未既，有笑于旁者曰：“迂哉！此子教人无法。抑息而又不动心，得非以千钧之物，责负于人，使之不用力，可乎？”

曰：“子且听。吾虽闭息，而又存心，则心不动，而息亦息矣。”

又：“此固闭息之道，安保欲念不生乎？”

曰：“至于生，则未矣。念之生也，感物而动耳。定中觉目有所睹，则神役于目矣，急收而返于内。耳有所听，神役于耳矣，急收而内听。其他皆然。”

问者曰：“闻一如二，吾并知此理矣。吾虽收神，而又存心，则神收而心本静矣。”

曰：“存心者，养性也。性之始见，不存则无所养。无所养，则终乎不见矣。存心实自收心始，所谓收神者，盖收心之余用耳。行之至久，见如不见，闻如不闻，形心相忘，合乎至道，则元性彰露而元气生矣。”

➤ Note

精神论

神者，元性也。余前所说神为主论，盖亦尽之矣。

今念夫修丹者凝神之法。凝神之法，不在乎前，不在乎速，故又为之论。而后画神室图，并论于后。

凝者，以神凝于精气之内。

精气本相依，而神亦恋之。今独重于神。何也？

神者，精气之主。丹士交会采取，至于行火，无非以神而用气精。

苟先以神凝于气之中，则气未可安，神亦未肯恋气，而反害药物矣。

且神，元性也。性方寻见，尚未定，摇摇颺颺，进退存亡。

而子使凝之，性岂能自凝？其所以凝之者，亦质之性而凝之也。初云质而寻本性，是可以质性而逐本性，可乎哉！

神归于心，则性之全体见。
全体见而用之，无非神用。
念念不离金丹，故丹成而神自归之，何凝之有？
故曰，凝神者，神融于精气也。
精、气、神合而为一，而阳神产矣。
则此际此身，乃始为无用之物也。谁曰不然？
吾闻于度师，度师闻于远师，远师闻于天。

› Note

幻丹说

丹有幻丹者，盖学道之士不知正理而妄为，采取交会，故成幻丹。
幻丹者，未静心田，遽采一阳。故斯时也，一阳实非真阳也。乃呼吸之气也。精亦非元精，乃淫泆之精也。神亦非元神，乃情欲之念也。夫人方学道，更欲为仙，得非欲念乎？以欲念而交会阳生，此幻丹之所以有也。
精在肾府，而若采之升至于脐上，又无安顷处，故逐气而息于气穴之右。
脐生于肾之缕，与气交结而止。即自曰丹。
既自曰丹矣，而精神而用着，便是后天底物。先天之物，果安在哉？
谓之黄庭、内炉、外炉、泥丸等窍，皆先天立之后始见。
当此时在何处？实未之有也。
傍风捉影，入海寻蟾，守株待兔，缘木求鱼，一旦败露，精荡然而去，先天又无所主。
呜呼！非长生之丹，乃促命之法也。
又有采气而上遇心血，气血凝而为物，亦曰幻丹。若此者众，故举以辨惑。

› Note

“金丹居内，亦有走失者乎？”

曰：“有”

“有可捉之道乎？”

曰：“有。然非丹之走失也。”曰：“门户不坚，而被其出也。幻丹则有走失，金丹安有此患？”

曰：“金丹之出，何以知之？”

曰：“丹在鼎中，备五行之正气，吾身五行之气迫炉，则相感而动。一旦觉气升鼎外，而内无相感，乃丹不存也。急须放下，一场大静，并所谓炉鼎，丹之在不在，俱付之无何有。或一日，或一夜，始觉其在何处。或在心，或在肝，或在脾与肾。身中百窍，皆可藏之。知其在彼处，遂绵绵若存而守之，勿使之再去他处。又一日之久，始以意采之，则直降于阳宫。又就阳宫，如采取之时用意，遂从旧径直升阳于鼎矣。造化玄微，至此谁曰不然？苟有云云者，吾之师也。”

➤ Note

神水华池说

神水者，即木液之谓也。

华池者，脐中气穴之下，两肾中间一窍。绝肖黄庭，谷气就此而生精，医家所谓精穴者是也。

斯窍也，少壮之士，阳盛气融，则神水华池，不过浇灌炉鼎、洗涤脾胃，周流润泽气穴而已。

元气衰微，精元枯竭者，皆借此以为丹本。

元气既衰，非元气之衰也，乃气质之气断丧已甚。

邪欲之性，念念不已，先天既不得见，后天亦不足为用，羸砢之根，殆起于此。

华池之窍，乃生精而降于外肾者也。

气壮则精多，精多则华盛，用之如有馀。

气凋之士，精元槁矣。谷气所临，不过产一等馥馥之水，流归肾府耳。

然我既静矣，元气本无增减，但华池无矣。大药三品，而欠其一。

然后降至于心，就心取汞，依然下至黄庭。即落乎其中。却用一意封固，即绵绵若存以养之。

二者就其中自相吞啖而丹始成。

近有浙西一派，虽少壮之士，亦用此法而结丹。但道在迤，求诸远耳。然各执其是而已。

› Note

百窍说

人之一身，毛窍八万四千，气宫三百八十四。毛窍散属气宫。

脐中气穴又为三百八十四宫之主，降于阳宫，皆而为精。

心为中田，顶为上田。

舌下为玄膺，目中有银海，额之中，眉之间，口鼻之衡，耳目之畔，咽喉左侧，腰肋中皆窍也。

余所谓丹之出者，若此窍皆可藏也。

岂曰人身止有一二窍也。

此一二窍，众之枢纽也，岂曰止乎斯而已矣。此其体也，用，别著说于后。

› Note

采取图论

采者，求真阳于肾府，取者，取真汞于心田。

可以采则采，采之必得其用。非其时而来之，则龙不降，虎不升。

虽见血气奔驰，冲冲来往，迷者以为交媾矣。

抑不知离坎自离坎，阴中之真阳，阳中之真阴，自兀然耳。

至于气脉为一念所止，则气疾入脉络之中，离坎之内，反有伤于铅汞。

后天之气，时刻循环。但人汨于欲而不知详审耳。

至于略定之际，心无他用，则方知其气之上下，遂错采以为先天，致返加害。

所以近世之学道者，常有奇疾，盖为此也。

夫人之疾病，但气脉为梗耳。

气本自调，而若役之、使之，升则伤脾、胃、肺、肝、耳、目、口、鼻，降则如决水、如长堤，锐然而下趋，沛乎其不可御也。

至真之物，其能存乎？

余悯此等言丹之士，故画采取图为第一。

虽直泄天机，但人有志于金丹，而反戕其性命，余救之以正理，太上好生，必不我罪。

故此篇画以刀圭、玄黄、婴儿、姹女诸般譬设，尽扫而退三舍，使贤者见之而参同，愚者见之泮然冰释。分分朗朗，如宝鉴之察形，洞见毫发矣。

金丹之士，先修阴德，以尽人事。然后持前心论，则大药产而图形见矣。

采取之法生于心。心者，万化纲维、枢纽，必须忘之，而始觅之。

忘者，忘心也，觅者，真心也。

但于忘中生一觅意，即真心也。恍惚之中，始见真心。

真心既见，就此真心生一真意，加以反光内照，庶百窍备陈，元精吐华矣，要在乎无中生有，有中生无。

到这境界，并真心俱忘而弃之也。

我以无待已，则真息绵绵。

真息绵绵之时，后天之气以定。

后天隐则先天之气见，故阳生焉。

阳生者，先天之气自气穴中流出，而至于肾中○，如喷泡然。

盖两肾中间，有一缕透气穴，乃父母交媾之后，始生脉络也。故先天之气游之。

既觉如斯，则一身百脉，尽若春生。春意融而渐长，此时先天之体始立，先天立而后天愈退藏矣，然后可以微动采取之意。

意者，以目垂观于心，却以心放下送入阳宫。徐收而又纵，则阳起矣。余见一阳论○采之意，生于心，心生于目。

故老子曰，吾尝观心，得道亦至灵。

夫真息既定，内光乃神光，此心乃真心。真心生意，神光烛心。

故常为之说曰，目视心，心生意。意采铅。

性者，凡所有相，皆是虚妄。既无著相，则虚妄除而真理显矣。

真理方明而一念生，岂非复为虚妄之相乎？

故伺阳长而始采，则勃然而升。

先天气盛，而后天伏不暇矣。

采之升也，实有异焉。

醺然而上，至于脐而稍止，徐止脐之上，则息方凝，名曰铅。

铅，金也。金生水，故汞产于心。

云从龙，风从虎之理兆矣。

风平而雨降，自然铅汞相投，相吞相啖。

金生水，水生木，水又生火(Note: 应是“木”又生火)。

木爱金而金恋木，乃交会之道也。夫金克木，反有爱恋之意焉，盖金木之本性耳。

吾以本然之性，亦不过譬喻耳。

○乃先天也。五行在何处？但不如是，则不能达其理。

采取之道既明，交会之理复露。

再有叮嘱：采取不可太缓，太缓则老而不可用，而后天之气杂矣。学人以交会图参看，则思过半矣。

诗曰：

醺醺和气酿春风，一点阳生恍惚中。

无自有生无胜有，色从空里色还空。

升于脐上铅情见，产自心源汞性通。

定里见真真里定，坎离交会雨濛濛。

诗曰：

木为龙兮金为虎，坎户生男引离女。

要知造化有根源，不离真火生于子。



› Note

交会图论

恍兮恍兮中有象，杳兮冥兮中有物。

古先哲常特此以警学者。

盖恍惚杳冥，定之象也。

惟定可以炼丹，不定而阳不生。

阳生之后，不定而丹不结。

故才以意采铅，而遽止其意。止有时，而升有刻。

盖始生无过一气耳，升于脐则为铅，故心斯意而无用矣。

铅自能引汞，汞自能寻铅。

恍惚杳冥之中，交媾之理毕矣。

我得师之口诀并泄之，宜秘宜秘。

默而视之，念勿出声。若有知道之士，宿有善缘，逢此玄机至宝之道，凡遇口诀，记

华长生度世上品内炼金丹宝诀》，玄律至严，某不识避，就撰为此书。前三句，表奏天庭，继得报应，始敢吐露下笔。下笔之时，心蠢蠢然而汗落于纸，涕泣交零，但愿志士得之，幸勿相累。同成胜果，共证仙阶。

吁！知我者，谓我心忧。不知我者，谓我何求。幸心心相照，某不胜祷告之至。诸仙幸鉴！

› Note

采取交会口诀

忘里觅，觅里忘，忘中见，见中忘，阳生矣。

忘中采，采中忘，忘里升，升里见，见里变，铅成矣。

定中起，意中升，忘中用铅引汞矣。

铅合汞于内，精会神于外，交会矣。

铅汞精神合而为一，却将一念使之落黄庭，归鼎矣。

口诀中口诀：

打合铅汞，须用一意。动采一阳，须用以静而生定。

莫怪平叔多兜揽，却缘学者尽痴迷。

咦，说尽来。咄，满眼天花散乱飞，门前流水浪声微。

青骢载取青娥去，顷刻青骢独自归。

青娥在我

巫峡云生十二峰，故宫箫管寂寥中。

星桥路隔青山外，若要相逢永不逢。

是性又是命

或问：“孰为交媾？”

曰：“采取图心下一窍，乃交会之地。不可以有形求，不可以无形取。但铅升之际，阳气上U。夫自气穴降，为一阳宫○，我采以意○。汞降之际，会气降为n。盖汞铅生，铅升于脐上U，为精光所烛，故曰铅。铅犹表也，汞犹影也。表动影随，故汞降亦如

交感，凝结不散，遂成玄珠○如黍米。”

或问：“铅乃一阳，一阳乃先天一气耳。汞，何物为之？”

曰：“铅与汞皆先天之物，铅乃先天气，汞乃先天灵。此气乃命之母，此灵乃性之子。可以曰铅汞、可以曰性命。诸得道之宗师，谁肯直泄至此？”

又问曰：“心下一窍，何窍也？”

曰：“混沌神房者，此也。乃精光、目光之气幻而为之，精光华腾为U，目光垂为∩∩。精虽元精，然无日用之精，则元精不见。又如不信，譬如有水，则潮兴白气，未闻白气兴于地也。水乃精也，白气乃华也。神虽元神，然日用之神而不役，然后元神见。譬之皓月当天，云收而光始下烛。清净即无云也，垂光即照临也。精虽属阴，而精华属阳。目光属阳而照于内，则亦属阴。光华相遇而成一窍，以气感气，使二物会于其中。⊙物之成也，有精气焉，有元气焉。工夫周足，遂为真人。盖生生之意，寓于此矣。所以能灵而神者，此也。”

或曰：“然则交会之后，安得此珠落于黄庭、归于鼎内？”

曰：“二物聚时情性合，五行全矣。虎归于山，龙归于渊，目光还而精气复。此⊙落于黄庭，归于鼎内，会有关捩子么？恍恍惚惚，万孔生春，⊙秘、秘、秘。此数言，非正经原有，乃学者有所得之谓也。”

或问：“阳生于上，遽止其意，安保不复降？”

曰：“大哉问！黄庭之下，有一丹室之门户也。意生则上，故阳升，意止则一，故阳则不可得而降矣。炉鼎则在乎一之内，正属土。故⊙备五行之正气，成天地之全形也。”


或问炉鼎之法。

曰：“黄庭之在人身如此，至一阳上升如此，珠落于其中之候如此，即炉鼎也，黄庭固属土也。至于中之中，盖属土中之土也。故落于其中，而成鼎器。五行各厚其基，何谓厚其基？夫母求子，子恋母，丹之法也，皆取其本然之性。既归于鼎而气各趋之，如子之恋母。故静坐之中，神光下垂，则归于鼎。精华上升，亦如之。至于行住坐卧，如龙养珠，如鸡抱卵，而气各归之。一身之脉络皆为之，务在乎勿忘而勿助长耳。学道之士，然乎，其不然乎？在某之丹法，若是而已矣。”

身里乾坤颠倒处，壶中日月运行时。
要知一者为阳用，须识一中作气机。
天使紫阳来说尽，后来何必更寻师。

直泄天机图

到这田地，知这道理。且莫欢喜，咄！未知如何想。
宝剑沉埋古狱边，虹光夜夜上冲天。
虎龙战罢三田静，何处求他汞与铅。
嘎嘎嘎，嘻嘻嘻，且休认鹿为马，一个玄珠在泥底。
牛女桥边路不通，河车运去杳无踪。
凭谁问得真消息，吹彻重关籍巽风。



直泄天机图论

今虑夫学者未明，故为此书。

此书也，直地天机，动见毫发；化顽石而成金，点瓦砾而成玉。不啻过也！

夫两目为役神之舍，顾瞻视听，神常不得离之。

两耳为送神之地，盖百里之音闻于耳，而神随之而去。

两鼻为劳神之位，随感而辩薰莸。辩之者谁？神也。

使耳、目、口、鼻皆如眉，则神岂不安而全之？

夫如是，则不为后天也。亦不劳修炼也。

大抵忘于目，则神归于鼎，而烛于内。盖绵绵若存之时，目垂而下顾也。

忘于耳，则神归于鼎，而闻于内。盖绵绵若存之时，耳内听于下也。

忘于鼻，则神归于鼎，而吸于内。盖真息既定之时，气归元海之理。

合而言之，俱忘而俱归于鼎，而合于内矣。

还更有口诀么？

口诀：鸡能抱卵心常听。

或问金丹之道。耳、目、口、鼻固亦得闻之矣，心固不言可知也。肝、胆、脾、胃、肺、肾，无用之物也。还亦无用之中，而有用者也？

予答之曰，此固已到而后加其理，但余誓以无隐，夫何隐之有？吾初从师，亦叩矣，师赠我以诗曰：

五湖风景阔漫漫，鹭立沙滩宇宙宽。

画出枉劳君指点，异时游到尽堪看。

余初未达此理，后到此田地，始信师言之不我欺也。

今以师不言之旨并言之：

夫五行之用，不可缺一。

故绵绵若存之顷，脾气与胃气相接，而归于心缕。

肝气与胆气相接，从大小肠接于肾缕。

肺气伏心气，而通于鼻。

是气也，皆静定之余，元气周流，自东而西，自南而北之气也。西南乃气之会也，气合而归于此。

却自夹脊，直透上、中丹田，而降于肾腑。两肾中间，有治命桥一带。

故寒山子曰：“上有接神窟，横安治命桥”者，此也。

气降至于此，阳气与精气盛而上冲，与此气相接于一，则固围于鼎器之外。

日用之，则日增经营之力。

一半玄之又玄，一半者，何也？

曰，金丹之上，到此则一半矣。○超然而出者，乃玄关一窍也。其大无外，其小无内。○有形之中也，○无形之中也。

先就有形之中，寻无形之中，乃因命而见性也。

就无形之中，寻有形之中，乃因性而见命也。

先性故难，先命则有下手处。

譬之万里虽远，有路可通。

先性则如水中捉月，然及其成功，一也。

先性者，或又有胜焉。

彼以性制命，我以命制性，故也未容轻议。用力不得者，知其然也未见，不必存之以有，恐至著相。

或又曰：“子画图中多有窍，何也？”

曰：“斯窍也，非采取交会图之窍也。盖一阴一阳之谓道，往来不可穷。用之，则充塞于一身之中，是此物之作用。不用则归藏于心田之侧，了无形像。然则何物耳？

○○，意之主耳。左属阳，右属阴。秘秘秘，秘到这里，方是返太极处。

曰：“返太易者，自太极。返太极者，自太和。致太和者，自阴阳始。故曰，阴阳和而风雨时，嘉禾生者。譬之若此。大衍五十，天数一，地数二。天三地四，天五地六，天七地八，天九地十。阳奇阴偶。天数二十五，地数三十，合而为五十有五。大衍之数五十，去五以象五行者，后之鼎内外是也。又就其中克一，象太极之不动，其用四十有九。又就其中克一，以为鄞鄂，其用四十有八。学人行炉鼎用火之法，以四卦为主，以六十卦为用，存乾坤坎离也。又以大衍图求其象，则循环之理明矣，周天之法泄矣。如或未明，更请看炉鼎图论云。”



一点蟾光照太虚，金蟆水裏吸还嘘。
高低犹是纯阴体，何事生阳用有余。

太虚寥廓，皓月灿然。雪浪翻腾，金蟆吐耀。

人见月之所以明，而曰金精，精盛则月明焉。

孰知金之所以生者，性也。水者，喻坎宫也。

金蟆者，喻一点真阳之窍也。

元性喻月，性之用也。

性之初见如星，圆陀陀、光烁烁，未足以见性。但气质之性稍息，而无性略见。

如云开则月见，顷合则亦然耳。

至于不时时存之，则可没，与见未见时无以异也。

故金丹之士，才见此物分明，便是元气产矣。

遂以而用之，譬之见贼便捉，毋使再逸。

然以之收于鼎器之中，而一点元气之真，终乎不可得出矣。

以丹田为日，以心中元性为月，日光自返照月。盖交会之后，宝体乃生金也。

月受日气，故初三生一阳者。

丹既居鼎，觉一点灵光，自心常照而无昼夜。

一阳生，于月之八日，而二阳产矣。二阳者，丹之金炁少旺，而元性又少现。

自二阳生于月之望，而三阳纯矣。

三阳纯者，是所谓元性尽现，即前谓无形之中也。

一阳纯生时，但觉吾身有一物，或明或隐。

二阳生时，则遍体生明矣。

三阳生者，则光不在内、不在外，但觉此身如在虚空。

亦无身，亦无虚空，亦无日，亦无月，常能如此则禅定也。

但丹士若生于有，而不能采真空，而以无为用也。

既至于此，而金丹且半，何也？

且元神见矣，而未归于丹，混精气而为一，所以为半矣。

更说他后一半底道理。

月既望矣，十六而一阴生。一阴者，性归于命之始也。

自一阴生，至于月之二十三而二阴产矣。

二阴者，乃性归于命三之二也。

方其始也，以命而取性之全矣。又以性安命，此是性命天机括处。双修者，此之谓也。

天机至密，吾尽泄矣，到此际则金丹全也。

始于火候，凡一日用度，则一日养之。百日之功，而婴儿产矣。

故吾以月为之喻，取其交会相照之理也。

月明实本于金，金之性实出于月。

百炼愈坚，万劫不坏。

盖金，日也。月性也。火，日气。金入火而复于元性之真，可以炼成至宝，号为金液还丹。

故修丹者，始则取金。

为金生水，交合之理显，而籍土以成之。故城廓基址，无非托真金药物，而固济提防之。炼成纯金，故曰金丹。



炉鼎图论

鼎炉形象恁分明，八卦纵横用则亲。
炼就五行全藉土，又令真土变真金。

炼。

夫黄庭之在身上，交会之顷，乃元气立之际。此时正开，而丹落于其中，逐固之。

所谓水银实满葫芦里，闭塞其口，置深水者也。

水银，铅汞也。葫芦，黄庭也。深水者，水犹气也。闭塞黄庭，隐藏丹母，而置于气会之地，达者审之，得其趣也。

虎啸风生，龙吟云起。蟋蟀吟秋，蜉蝣显阴。万气归鼎，而封固愈密，烹炼愈坚，此炉鼎之所以有也。

万卷丹经要旨，图画立象，本使人得象忘言。

后之学者，皆泥象寻真，各求诡论。

岂知夫至道不繁，枢纽阴阳而已矣。

如以天一生水云云之数而言者，此亦不过明水火之流行耳。

如以四时八节而言者，此亦不过喻天地阴阳消长耳。

秘其母而言其子，故知之者鲜矣。

用成今所以著为此书者，皆弃枝叶，而言本根。本根有而枝叶自芳。盖古人不欲言，而余言之。道中君子，宜体此意，毋以小道观焉。依此而行，神仙可立跻也。

或问，炉鼎之体明类，炉鼎之用，亦愿闻焉。

天地间百卉、草木，万类散殊。

冬至之后，阳动于下。则枯水重荣，百草萌芽。蛰虫奋发，万类熙怡。

造化岂有心而生万物？万物亦何心而望造化？

盖一气之动，万类感而然耳。天何心哉？物何心哉？

至于百卉，花开结实之际，正药物循环之时。落叶凋芳之际，正药物归根复命之时。

可喻古人警药物产、降而成丹，莫有出于此者。

但不可泥于无心，使其自浮自沉。

亦不可泥于有心，而驱驰逐火。

但绵绵若存，知其无，守其有。知其黑，守其白。

静中行火候，定里结还丹。赠之以中。

神室圖



神室图论

费尽工夫结得成，返光内照景分明。
主人未至谁藏得，闻道灵光驾赤城。

然主人虽无，而主人之胎，亦在乎一室之中矣。

如怀孕然，十月之间，母呼亦呼，母吸亦吸，但气未足耳。

气足而形完，一点灵光入于其中，则攸然而生。

啼哭锵然，纯乎其人矣。

此乃鄞鄂成，而神归于室之时也。

神归其室，则所谓得其一，万事毕矣。

盖交媾之后，神光垂，而烛乎玄珠矣。精华升，而产于玄珠矣。

真铅则元气矣。精、气、神亦先有胚胎在其中矣。

火足气充，则元精、元气、元神尽合而为一，故婴儿产矣。

婴儿岂自产焉？火炼尽群阴，而胎始脱，到此方是产婴儿。

吾尝谓古人画炼丹之图像☉，○固鄞鄂也，●此一点便以安乎其中矣，后之学者皆谓鄞鄂有而一点安，逐不知安一点于中之道。

暂结终散，猛火空烧，而离坎逸矣。

夫此一点产于外，而顺于后天者。

一生二，二生三，三生万物。皆从此。常人为之，志反逆焉而产于内，则长生久视之道存矣。

岂非归根复命乎？命复归根之由，深根固蒂也。

深根固蒂之道，自澄心、遣欲。

澄心之理，屏视去听。始孔子曰：“非礼勿视，非礼勿言，非礼勿听，非礼勿动。”此便是真实道理。

但儒教欲行于世、用于时，故以礼为之防。所谓妄心者，喜、怒、哀、乐各等耳。

忠、恕、慈、顺、恤、恭、敬、谨，则为真心。

吾修丹之士，则以真心并为妄心。

混然返其初，而原其始。却就无妄心中，生一真念。奋天地有为，而终则至于无为也。

若释氏之所谓真心，则又异焉。

放下六情，了无一念。性地廓然，真元自见。一见之倾，往来自在。

盖静之极，至于极之极，故见太极。

则须用一言半句之间，如死一场，再生相似。

然后可以造化至机，而为不生不死之根本，岂易窥其门户耶？



火候图论

前弦须短后弦长，水里藏灯焰自光。

日夜巽风吹不灭，将心挑动更荧煌

《易》之为书，三百八十四爻。火之为数，三百八十四铢。

故舍乾坤以为鼎器，坎离为药物之外，初一用屯、蒙。初二用需、讼。初三用师、比。初四用小畜、履。初五用泰、否。初六用同人、大有。初七用谦、豫。初八用随、蛊。而金计半斤。初九用临、观。初十用噬嗑、贲。十一用剥、复。十二用无妄、大畜。十三用颐、大过。十四用咸、恒。十五用遁、大壮。十六用晋、明夷。十七用家人、睽。十八用蹇、解。十九用损、益。二十用夬、垢。二十一用萃、升。二十二用困、井。二十三用革、鼎。而水半斤。二十四用震、艮。二十五用渐、归妹。二十六用丰、旅。二十七用巽、兑。二十八用涣、节。二十九用中孚、小过。三十用

或曰乾、坤、坎、离之体。

曰：“周天火候之时，坎离交矣。坎离交，则乾坤交会矣。夫天道下降，地气上升，乃乾坤之用也。坎者，乾交坤也。离者，坤交乾也。其他卦象，不过设体耳。亦不可泥象寻爻，而火候之法始见。”

又曰：“似子言之，不过范围天地，运行日月而已。而炉鼎图又列八卦于鼎中，火候图又升午位于泥丸，布平桥于卯酉，何也？”

“天机固不容泄言，既至此，隐之何为？且河出图，洛出书。天尚自泄，况于人乎？”

客曰：“止。余闻泄天机而殃及九祖。”

“独不闻度一人，而福及九祖乎？吾以吾之丹法，尽底无隐，而传于有缘之士。苟有信士，一人为仙，某岂无功乎？”

客曰：“子之用心，非某能知及之。”

曰：“是炉也，是鼎也，乃进火，进水之理耳。水、火无过一气耳。气之升也，吾以心接之，即火也。气之降也，吾以静待之，即水也。此绵绵若存之时，子午进用之功也。斯时也，方是偃月炉具之时。夫性见则气生，气生则金生，金生则气多，气多则金愈旺。此二者交相为用也。金旺于中，烛破浮云。露出一勾真性，如月之明，乃偃月炉也。存养之义，则金气盛而全尽，烛见一轮明月，乃全性也。既见全性，又返金性，则吾身皆真性、命为之主。此用火之时也，盖二者未融为一，而用火炼之，炼作纯金也。包含性命，通体皆阳。浮沉自在，爱日恋月，好游顶门，时至道成。奋厉而脱，霹雳一声，身非我有。吁嘻！人人可以如此而成功。人而自弃之，若是可哀也哉！余见总篇，方其九转既周，沐浴已竟。火力终焉，一星不灭。故动○○一风以吹之。巽风者，鼎下之片缕耳。阖则为乾，辟则为巽，阖则为嘘，辟则为吸。何以能开辟？亦无非一意使之然。”

或曰：“巽，西方之位。以子所言，巽乃中宫。毋乃反乎？”

曰：“西方者，巽之用也。中宫者，巽之体也。吾自心生一意，而降于巽位，其象始辟，则吾言实兼体用而训也。继之以乾。乾金而火乃金精，故遇而炎火张设。须坎以抑之，抑之而不能止，则有反攻于下之患。故止以艮，而又嘘以巽。巽上一画属阳，止火非阳不行。故遇震而稍焰，遇离而复炎。又止以坤。坤，水也。火从水起，如遇

卯酉，若直下则刑德临门，危其大哉！故一立而各为二道。今日之卯酉，昔日之坤、艮也。火，气也。气降而复升之理，故归于肾府，化为真水而用之。盖文火性柔而难化，遇卯木必克土。遂以火克木，则土不受克矣。武火性强而易化，降自酉。酉属金，金生水，归于鼎。”

曰：“何谓文，何谓武？”

曰：“文火自三关上至于天矣，武火是午宫与心火也。大凡火候，只此一场，大有危险。丹士宜一战而胜，则天下定矣。平日周天火候，切不可以为则也。然此亦不可执著，彼亦不可执著。且喜且喜”

庆云开尽现鸿蒙，仿佛空中见祖宗。

风定七星还在水，依稀残韵上飘空。

陰盡圖



陰盡圖論

恍然有一人立于旁，耳、目、口、鼻与张子无异。指张子而骂曰：“吾自太易以来，为子所役，略不瞬宁，何罪于汝？”

张子不觉失笑而无声，默谓之曰：“来，吾与尔言。汝言固是，但尔为我苦邪？我为尔苦邪？姑坐以叙。”

曰：“我先以来，本无事。与子同居之后，寤寐亦相持。移像累劫，而不自如。置我沙漠、风霜之地，既令我归东，又令我归西。种种相魔。自顷以来始蒙慧以室庐，养以调息。美则美矣，但晚也。”

张曰：“非吾之过也，乃六欲之贼使之然也。子微而隐，彼显而彰。否知有彼，而不知有此。譬之瞽者坐舟，但知舟之日去千里，而不知撑者实劳也。使不欲舟行，则撑者暇矣。”

似张者欣然曰：“几失君！吾有百炼之坚刀，可同剿此贼，而去其根后，同入规中时，然后行，独步金阙。”

张子曰：“唯唯。”

见黄光四进，五色焕然。观者听其言曰：“去贼之道不宜急，急则反受其敌。”

始然力不胜，其祸乃可必。纵放任馀心，守之常将息。或作狡诈形，视之常无尔。一战定三清，万魔俱屏迹。

噫

当日风尘枉自横，波平海晏兆升平。

堪怜不达穷通者，犹弄干戈观我城。

噫

无明焰子又无烟，煅出真金耀彻天。

霹雳一声圆活子，腾空三觐玉皇前。

阳纯论



阳纯论

又无文，看甚？
窈窕仙童捧诏来。
妙哉！

夫人之身，大而不可以取象天地，包容万汇，变化莫测，灵通玄妙。百姓日用而不知，故金丹之道鲜矣。

夫金丹之道，贵乎药物。

药物在乎精、气、神。

神，始用神光，精，始用精华，气即用元气。

精非气不盈，神非气不充。精因气融，气凭精用。气因神见，神凭气用。

且以吾身之天地言之，自太极既分，两仪判矣。两仪生四象，四象生八卦。八卦立，而天、地、人之道备矣。

天以动为体，地以静为体。天地之气，往来不息，而日月行乎其中。

盖父母媾形育我之后，始生脉络也。自形完之后，始生缕络。

反若元性之虚无，谷道筋条，殆似草茅之郁茂。此乃先天之炁，为先天之道，此金宝之至言也。

宜守之以中，则庶乎道路通畅。

盖人受天地之中以生所谓命也。得天地之中气以生，遂可为人。

我以身为天地，亦宜执其中，而为造化之枢纽。

中者，有三中：心中意、脐中鼎，肾中炉。

三中之至切者，心中意。脐中鼎次之，肾中炉又次之。此三者，自金丹之始至终，不可须臾离也。

大凡金丹之道学者，寻五行其末矣，当知夫交会之际，恍惚杳冥，养生毛窍。金之本情也。逸像和畅，肢体柔顺，本之本性也。

铅本火体而金情，汞本水体而木性。

无他，水火者，铅汞之体也。金木者，铅汞之用也。

铅汞凝结，光华会合者，意也，意属土。

五行既全于鼎器之中，物以类聚。

五行又环列于鼎器之外，内外相感而丹始成。

形状如黍米，非青、非黄、非黑、非白，不可得而名状也。

到此际，又绵绵若存，清净无为，自然现出百般妙用景象。

肾水合精水，目玄膺流下，谓之华池、神水。

虚无之中，白雪生而黄芽长。

只绵绵若存之顷，亦悉归于鼎器之内。

是大药不离精、气、神，要认始用药材。

精、气、神三者，孰为重？

曰，神为重。金丹之道，始然以神而用精、气也。故曰：神为重。

神者，性之别名也。至静之余，元气方产之际，神亦欲出，急用定以待之。不然，是散而无体之体也。

苟夸出入，必为大道，则谁不可为？

夫神不疾而速，不行而至。

师言曰，神之妙用无方而有限。

若得其道，可以出入，切不可纵为良深。

盖收于内则可，岂宜纵于外也？

夫神出而依林木以成形，阴未尽也。

将出之际，多异景。目光烨然，从目出也。鼻气或吸，从鼻出也。耳闻清音，从耳出也。

独不可从口出入者，何也？夫口，五脏之气所会也。

神弃精气而窃出，避气盛之地也。

神、气、精常相恋，神一出，二者无依焉。故神之出也，有害无益。

日居月诸，照临下土。丹土逆之为用，顺而为火。

夫火循环，九转中九转。

九转初生，旺于第一转。伺阴气尽，又绕第二转。馀亦如之。至于九转周足，遂迫于鼎。

故用前进火工夫，谓之真阳而战群阴。

请明言之：

人一身皆属阴，惟有一点阳耳。我以一点之阳，自远之近，转之又转。战退群阴，则阳道日长，阴道日消。故《易》曰：“龙战于野，其血玄黄”。

至于阴尽阳纯，而丹始能升于泥丸。决然奋厉，真人于斯而始见矣。

金丹之道如此而已。更有言不尽底。”

丹之初成也，交会之际，未免借阴阳二炁以成之，后则渐以阳火炼成纯阳之体。

故自强不息，乾道也。

丹成矣，故凝神以成躯而成仙。

丹之初成也，籍五行以成其用，后则渐以真金养成纯金之体，故通体之光金色也。

金变日色故光。金象日性故刚。故曰金丹，又曰金仙。

幻体虽假合之物，修丹之士须籍以养丹基。

真气微至，则环手脉络之中。

故近丹而气可得之以化至宝。

举其一，可知二。

然亦无为自然始，举是以明矣。

夫无为，无有为也。

夫人之一气在身，由念而动。

譬之握拳，念欲开而五指伸，了无挂碍。

学人达此，于采先天一气之时，行一真念，采一真气。

按图观象，落在黄庭，其理一也。穷冬调剥，必得阴阳交泰之后，乃至万象。

学人达此，当知交会之后，不期产物之产而自产矣。

金之在水，其耀夺目。金之在土，土能藏之。

盖产于幽处，而隐其明处也。

丹之居鼎，犹人君之在位，百官称职，其国自安。

火候药物，各得其宜。则万化成。

何谓各得其宜？

第一转，产药于东，而降于西。以心为斗柄，斡旋其机。故行二十度而魄满，又斡之二十度而魂满。则火之魂，而水之魄立，而神用大矣。他转如之，举其要以明学者。

言曰：

斗极建四时，八节无不顺。斗极实兀然，魁杓自移动。

只要两眼皎，上下交相用。须向静中行，莫就忙里送。

要无形图与你看，一气周流归故宅。金丹何事却成功？

至道本不繁，庸人自生事。我本遇师传，三嘱令深秘。

何故画图并立论，毫厘说尽鬼神惊。

咄！地狱不囚传道者，教存经籍度三师。

次第秘诀

坐静打顽空，抑息，守已生癸待时。

闻命气冲和，待气动，方可如下行。

存归 ○○，然后就上二窍，直冲五星。候见明，放静又观心。放下了一段，候再见

小光透，用机出入，开道一回，然后方行子午。大光透，用机出入，破顶一回。

此是后上前下，此后并系尾闾五星。

于三十日见，用机出入。

上弦十五日足见机。大凡三遭望左右见机。下弦日数足，下明鼎内晦用机，再朝天径。

以太和返太极。以太极返无极。

否 泰

动静之机，气盛则抑之以静，气弱则助之以意。

火候秘诀

丹居鼎内，上水下火。心动属火，静属水，乃水鼎也。○底静属水，动属火，乃火鼎也。

阳在鼎下，曰水火升于鼎上，则水火也。

阳火是外炉，外炉与火，存于气穴。黄庭正在气穴之上，气穴乃内炉也。内炉有火，近鼎常烹，此绵绵若存也。

火长进于下，则不可坐。至于子午二时，午进火，子进水。阳生，不以心扰，接之以意，斡归于右，转降于左，存入○○○，反是则进火。

或曰：“敢问九转之功。”

曰：“三月火候乃九转。”

“第一转：初自肋边左右，存为火道。自阳宫起，自右边，到肩横过正中凝，自左边送下。逐绵绵若存，宜静不宜动，宜徐不宜急。动曰扇火，急曰伤丹。此每日子时之功也。”

“第二转：自肋边进一寸二分，用如前法。此丑时之用功也。”

“第三转：自肋边进五分，用法如前。此寅时之用功也。”

“沐浴：卯时火起，取丹计四寸，有缕二条，正为火道。脉透鼎中，故火起不用目，不用心，以意斡之右转。取横与鼎齐，正缕地也。遂大静，火遂为水而归于鼎。丹逐沐浴，绵绵若存。天机天机，宜秘宜秘”

“第四转：进一寸，用法如前。此辰时之用功也。”

“第五转：进五分，用法如前。此巳时之用功也。”

“第七转：过五分，用如前法。此未时之用功也。”

“第八转沐浴：行左降右，取丹方一寸。未时之火道，皆至阴之道也。火力过而衰，值申道，亦阴道。无他，心上道，阳道也。心下道，阴道也。二时火皆从阴道过，至酉而始金旺。故静以待之，火为金液而归于鼎，丹遂沐浴。卯沐浴乃益汞，酉沐浴乃益铅。”

“第九转：取丹五分而已，顷刻用而即定以待。”

“第十转亥：用巽风起火，行运火之法，见火候之图。”

久氣

認著

抹取圖

天向一中分造化

右

意意意

女○

○○○子陽生

左

畢畢畢

人從心上起經綸

分享



- 《青华秘文》丹诀钩玄
- 《太乙金华宗旨》集要(最简)
- 周易参同契笺注合刊
- 太乙金华宗旨-道藏续编
- 金花的秘密

← 太乙金华宗旨-道藏续编

金花的秘密 →

